

জীবন

আহমেদ সাবের

চাঁদের শিয়রে ঝুলানো জীবন -
উঠানে প্রজাপতি ঝরা পাতা
শুরু-কৃষ্ণ পক্ষের ধারাপাতে
কুরুশ কাঁটায় বুনি কল্প গাঁথা।

চেনা অচেনার অপটিক তারে
আলোর গতিতে জীবন মুঞ্চ
ভুল বাসনার গুপ্ত গলিতে
জীবন না হয় হল বা ক্ষুর
তবুও আশার প্রান্ত সীমায়
হিমালয় হয় খলিফা বুরুজ
কালো গহ্বরে হঠাৎ হঠাৎ
পাখা ঝাপটায় হলদে সুরুজ।

বিট বাইটের জিগ-শ পাজেলে
পলকে জীবন কাটা ঘুড়ি
অথবা শুধুই আগ্রহে খোঁজা
পাথুরে নদীতে সবুজ নুড়ি
তবুও জ্যোৎস্না দুকুল ভাসায়
ভরা ভাদরের বিবাগী টান
মেলায় দোকানী পুতুল সাজায়
মাটির সানকি ভেঙ্গে সাত খান।

জীবনের হাট লোক গম গম -
নিমেষে হাওয়া, ঝড় আসতেই
অচেনা মর্গের দোর খুলে দেখি
উড়ছে পর্দা, কোন লাশ নেই।

সিডনী মে ২৫, ২০১২

